

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件广告宣传页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件广告宣传页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



近代中國史料叢刊續編第十三輯  
沈雲龍主編

# 清代毘陵名人小傳稿

張維驥纂

文海出版社  
有限公司印行

近代中國史料叢刊續編 第十三輯

目錄

清代毘陵名人小傳稿	張維驥纂
愚齋存稿 卷一至卷二十五 奏疏·電奏·電報	盛宣懷撰
愚齋存稿 卷二十六至卷五十 電報	盛宣懷撰
愚齋存稿 卷五十一至卷七十五 電報	盛宣懷撰
愚齋存稿 卷七十六至卷一百 電報·補遺·東游日記	盛宣懷撰
愚齋未刊信稿 光緒二十三年至民國四年 附：家書	盛宣懷撰
庚子都門紀事詩	延清撰
張謇傳記	劉垣著
記章太炎先生（附太炎文錄續編）	沈延國著
吳稚暉先生紀念集	楊愷齡編



WT 233/021

清代毗陵名人小傳稿卷十

邑後學張惟驥季易纂

△錢

鏐弟增勳 子方琦

錢鏐字紹雲武進人光緒壬午鏐與仲弟增勳同捷順天鄉試歷任安徽廬江懷寧山東博山利津濟陽歷城蘭山等縣知縣一爲山東同考官所至卓著治行洵升道員總辦蘆漢鐵路督辦黑龍江漠河金礦庚子之變入國聯軍據京津鏐還直隸任洋務局總辦和議成退兵闢天津租界鏐復主其事畫界址分等第定地價斤斤爲民請命時有以衝要之地可自領一二爲異日退老計者鏐拊膺太息曰國家敗壞至此吾藉寇兵營菟裘耶聞者竦然終其事無敢干以私而界內民地得善價翕然頌之薦膺經濟特科召試二等特旨爲直隸補用道任北洋大學堂總辦保定高等學堂總辦旋調赴奉天創辦全省學務除授興鳳道興學校練警察闢商埠勸農工與日人敦信修睦數年之間赫然爲關東重鎮民國改元授西路觀察使辭不拜八年卒

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



於天津寓廬年六十九鑠寬和博大孝弟慈仁居津既久鄉人來依者尤多  
後來者舍滿弗能容居逆旅旦晚則就食於鑠無論客至與否必設食以餉  
客日以爲常其當官也寬不廢法威不病民任懷寧時嘗戮安慶輪船碼頭  
惡伙竿其頭於藁街於是恃強索詐之風熄而行旅稱便任利津時以濱海  
一帶頻遭水患乃遷其衆於高原撥荒地耕種請公帑建房舍發給犁具籽  
種衆賴以安漸成豐壤民懷其德尸而祝之鑠學古有得深曉治方尤長於  
水利著適齋文存四卷論河務諸書卓犖透闢爲時所尙少好太史公文晚  
得類中症猶力疾校史記正誤一書梓行於世

增勳鑠弟字仲瑜事親至孝攻苦力學少與兄同研席同佐奉天督幕又同  
捷壬午順天鄉試簽發浙江知縣歷任會稽縣東塘海防廳中塘海防廳定  
海直隸廳同知民國改元知臨安縣事年七十卒增勳性拘謹言動必中繩  
墨嘗謂聖賢之學皆從小事近事眼前事做起初權紹興安昌棉花稅嚴定  
獎懲化私爲公每屆期滿溢征必至數倍大府記功嘉獎至四十餘次更通  
飭所屬以增勳辦理爲法其治縣則日坐堂皇以德化爲教故事舉而民和

平居好宋人語錄養氣極純書法李北海旁及六朝求書者不取值而取米積之歲暮舉以散之窮民云

方琦字駿華鏐子讀書博通作古文恢張雄厚能爲大言以爲桐城方姚陽湖惲張皆不足學語當世之務動輒數千言著得天爵齋文集庸言日記謂重然諾者不輕許尙肝膽者不妄交聖賢處不得已時則任命豪傑處不得已時則發憤小人處不得已時則肆無忌憚無所不至又曰寺宇者盜賊之逋逃藪也官場者不肖子弟無業遊民之逋逃藪也皆警闢可誦父恢廓大度仕官有聲績方琦回里一意著述不妄交游嘗學醫於其舅孟河費氏歸而行其術光緒辛丑冬民患白喉死者如麻方琦短視視人舌苔以目逼近人口竟染疾而卒年二十六

△劉毓森

毓森字少英號則魚武進人以國子監候選府經歷歷保知縣初選浙江建海縣兼理桐廬縣大計卓異調補石門縣升任嘉興府知府並署理杭嘉湖道主辦武備學堂及蠶學館在建德任時承兵燹之後地方殘破修復文廟



書院及舉辦種種救濟事業捐資甚巨在石門任達十八年之久皆由地方民衆一再攀留其政績概可想見俸給所入悉以贍宗族戚友之貧窶者故服官四十年而家無餘貲云卒時年七十有一

△薛鴻年

鴻年字叔平又字叔蕢自號穰亭外史武進人以諸生官湖南同知攝醴陵縣事洊擢道員總辦萍潭鐵路自江西萍鄉縣之安源至湖南湘潭縣之株洲吾國內地敷設鐵道實權輿於此其時風氣閉塞居民以所至遷墳拆屋弱者怨謗強者抗拒鴻年以舊令醴陵惠愛素著醴界萍潭兩邑之間至是益孚以誠信凡計可曲全者不輕壞人廬墓於是士紳皆樂爲之助雖尊之爲達官而實親之如鄉老焉鴻年擅文學爲駢儷之體遠規徐庾近接孫洪湘之績學能文者如王先謙葉德輝諸人皆謂爲常州的派詩學溫李書法歐顏皆勁挺娟妙尤善小篆嗜摹印凡作印經其篆成章法卽庸工鐫之亦皆入古著有思永齋駢體文鈔詩鈔各若干卷尙未刊行印存傳本尤少卒年六十有二

△程炳熙

炳熙字芝巖武進人光緒己酉舉人揀選知縣秉性誠篤醇厚尤重然諾工詩文下筆不苟其文深厚真摯一如其人憚次遠侍郎提督廣東學政延聘襄閱試卷後在滬協助何嗣焜創辦南洋公學擔任經史教授兼任某書局編輯盛杏蓀宮保重其才聘任教讀終其身未他就以清宣統三年病卒年僅四十有七著有贅庵詩集若干卷未刊行

△唐洪培

子浩鎮

滋鎮

濟鎮

折鎮

洪培字子良武進人生有至性侍親敬而婉言動謹愿以積德善行著於鄉洪楊之役郡城青果巷大宗祠燬於兵僅存前廳不足以妥先靈洪培乃集鉅資規復之親董其事逾年告成先世既遷居無錫故又偕諸昆季建分祠及貞節寺於惠山之麓父景溪欲仿范文正公立義莊以贍族人未竟厥志洪培首以私田撥莊產爲之倡殫精摩畫躬任其事以底於成邑中有義舉無不與顧弗居名而獨於育嬰一事任堂董無稍讓手訂條規督促誘掖親驗嬰孩肥瘠以爲勸懲噢咻慈衛沐其德而成家立業者蓋不少矣洪培於

邑中諸公益振救各省饑民諸善舉無一不熱心從事而尤有隱德爲人所不知者每值水旱凶荒民生窮蹙之時輒訪飢餓不能出戶者叩其門予以錢若干緡或訝其無因而至卽曰吾昔日貸君錢豈忘之耶或乘不覺置錢於室隅卽匆匆去其宅心之仁厚如此光緒三十年卒壽六十有八

浩鎮字鄂鄭洪培長子光緒癸巳舉人歷任工部農部郵傳部郎中幼秉庭訓常以行善爲職志兼習方書故邃於醫張百熙陸潤庠創辦五城施醫局延佐局務遇有重症必親自切脈施醫施藥都人士交口誦之其於各省水旱凶荒無不躬冒寒暑募捐施賑庚子拳匪之禍隨兩宮西狩施陝省之賑甲寅施泗陽漣水之賑丙辰率子毓源施黑龍江之賑丁巳北數省大水災又施靜海滄州諸縣之賑戊午湖南兵災又施長沙寶慶衡陽醴陵岳州之賑凡歷五省數十州縣隆冬走邊塞不憚勞舟行觸石如敗鞞而施濟之心益切嘗記其事曰施滄州靜海之賑舟觸翁仲破換船又觸大樹顛遊魚巢其上風蕩颺舟遙聞嗚咽聲棹近有老嫗伏屋脊飲泣手一繩堅不釋飲以米湯稍能言問之則曰吾持吾子夾婦尸也若釋手則漂流去矣亟救之歸

嗟乎天時人事之交迫浸成巨災百姓慘苦之狀當道者烏能知之又烏能走窮陬僻壤出九死以拯之耶其言絕痛民國十年卒年五十有八

滋鎮字保謙洪培次子沈厚亮達綜練物務平生服膺湘鄉曾文正公暇卽一編不去手嘗慨吾國新興事業多倚外人而於立國根本之需迎合世界潮流胥茫乎莫之計二十年前卽諄諄以設國防挽利權詔示其子弟目光所及悉力以赴所成功者九豐麵粉廠慶豐紡織廠錦豐繅絲廠利農磚瓦廠生機蓬勃繼起者衆赫然爲江南工商淵藪滋鎮趨庭至於父歿未嘗一日離膝下克恭孝友樂善賑恤不改父之道歲時伏臘必先躬詣郡城大宗祠虔誠祭祀而後再至分祠雖暮年不懈南北各省災祲以及遠近各地義舉捐輸賑濟者不可勝記故其卒也咸愴然有善人其喪之歎民國二十五年卒壽七十有一

濟鎮字若川洪培叔子敏而好古強學不怠未弱冠已與兄浩鎮騰蹕士林爲儕輩推敬嘗欲爲通經致用之士俾以功名見光緒甲午中式經魁爲戶部主事貴州山東各司主稿趨公疲神耗竭不覺未中壽而歿聞者惜之濟



鎮自少卽好篆籀於漢隸尤工手書詩品夏然成秩廠肆帖賈雕板流傳爲學者所珍

圻鎮字申伯洪培季子恭孝勤儉篤於倫紀父好行善一門羣從守爲家法圻鎮性尤愷悌每聞凶荒輒皇皇廢寢食兄滋鎮弟鑿鎮懇誠友愛昕夕共處咸能節縮衣食共謀賑濟用是遠近乞賑者郵電紛馳嘗慨力不能應乃聯合諸義會爲之又嘗修天上市界涇孔家等圩岸保障農田濬天下市黃梅夾山幹河灌溉所及雖大旱亦豐稔數千戶被其澤而獨任其資且切戒董其事者勿令人知曰凡人行善如製衣然宜爲裏勿爲表君子惡其著也善繼善述可以風已民國二十六年卒年六十

△沙夔和 子安節

夔和字懷義武進人僑居周鐵橋讀書業醫壽至耄耋神明強固其行事多可爲世法自幼事親盡孝色養無違父母有疾親嘗湯藥久而不倦及歿葬後一月內與兄懷仁每日五鼓起奔赴墓所號哭往返二十餘里及歸市門猶未啓懷仁歿教養其子女逾於所生女弟適楊氏夫故迎之於家並撫育

其孤女爲之擇配嫁數年又寡復迎其母子而養之其所居濱湖竹山下有暗礁表延半里許舟船觸之覆沒燮和募工於礁石上立石柱四石頑水溜功不易施旣成行旅無苦地方感其惠又銳意改造橋梁以利行人周鐵橋鉅鎮也鎮之浯溪橋河闊臨湖工尤艱鉅燮和斥巨貲竟成之年久屹然其他興學校建義倉平治道路救災卹貧諸善舉無不悉力任之治家嚴孫彥楷少時衣履稍奇表見必痛斥書札作草書涉浮文亦必斥居處界武進宜興之交宜興士大夫高其行嘗載之邑乘以爲古之鄉先生歿可祀於社若燮和者可以風已光緒十九年卒年八十有二配楊氏性好善後燮和四十年卒壽亦八十有二

安節字介石燮和子秉賦聰穎好學侍親避亂流離遷徙遘疾目失明治學不廢盡通四子五經書大義侍親盡孝孺慕至老不衰燮和生前好善不倦地方慈善事業經創辦者甚多安節謹守先人契燻數十年不變胞兄先卒教養孤姪成立而爲之授室姑適楊早寡其父旣養之終身復撫其兩世遺孤安節待之尤摯光緒壬辰冬歲奇寒湖中疊冰成山方春融解竹山下暗

礁上之石柱仆其二亟募工督修之曰母隲先人功德也子彥楷等就學歸自塾中必親課之反覆講解子夜甫息安節一生行事均似其父可謂終其身無改於父之道宣統二年二月病卒壽六十有二

△尤鴻賓子柏年

鴻賓字桂榮陽湖人咸豐諸生值洪楊之亂避難吳興教讀以爲生亂平瘡痍未復當地產婦率棄兒道旁鴻賓怒焉憂之乃與官紳會辦育嬰堂親主其事每夜出遊往往抱兒歸堂以養以教久之堂中蒼萃數百兒撫育之貲不足則募諸四方善士至回籍傾其產以入之堂終其身以育嬰爲事未嘗事生產暇則研讀醫書尤擅幼科有令名初娶錢氏死於亂續娶許氏許又早故乃以其子寶善託於伍氏妹已則仍入吳興人或以爲過則曰堂中有嬰兒數百我不能爲尤氏一兒棄此數百兒也年五十卒著有幼科心得育嬰須知等書

柏年字寶善幼以其父從事育嬰傾產而失學年十五就業姑蘇觀前街蔡氏帽莊歷四十八年未易一主居停歿撫育其孤如己出柏年雖業商而粹

然儒者氣象平生交遊多書畫文學名家經商主貨真利薄視以術致富者爲可鄙嘗手燬債券盈篋姑蘇觀前無不知有尤先生其人者天性純孝侍父疾兩刲其股常曰人謂我愚我急不暇擇粉身尙不辭又何惜一鬻卒時年六十三初娶錢氏繼娶馮氏馮氏一生勞瘁賢德著鄉里子三伯欣仲欣春欣仲欣遊幕四方孝友廉潔春欣業商對於社會公益熱心服務施財毫無愠色有祖父遺風

△宋敏熙

敏熙字毓德晚號鏡海武進東南鄉馬杭橋人少年讀書不成棄而習賈設肆於市不屑計較緇銖喜抑富濟貧以任俠聞於一邑清咸豐庚申太平軍破常州殺掠四起敏熙之繼母陷賊中乃冒險入城求之未得母反爲賊所虜時太平軍駐於城東太平寺其酋嗜酒因敏熙有膂力每日押令入城擔數十巨甕至於城外以爲常敏熙救母心切雖服苦役甘之如飴旣而賊酋得醜疾陰令敏熙求藥乃從某醫處得良藥俾令塗敷病良已賊酋嘉其誠許其自由不加監視敏熙得乘間扶其母竊出返鄉無何鄉間亦被掠不得



安居乃率家族及全村人民渡江避難而仍服賈江南出入兵匪中常以智計得免於害令村人之少壯者隨習貿遷老幼則贍養之及亂平回里村人皆無損失咸感戴敏熙以爲有再造恩鄉中常有淮右飢民過江覓食什伯成羣戴一強梁者爲首入鄉騷擾遇物卽取不遂所欲動輒用武某歲飢民大集於馬杭橋村人震恐敏熙出與其首交涉而彼誅求無厭不得要領敏熙素擅猴券乃躍登屋頂飛瓦片片而下飢民凶懼乃就範給以資而散由是村人益奉敏熙若神明遇有爭執皆憑其一言而決邑令聞其賢先後命爲鄉董敏熙屢辭不就曰公門易作孽吾不願入也然終敏熙之身村人無詞訟敏熙潛移默化之功也以遜清光緒二十九年八月卒春秋七十有三

△蔣樹德子維瀚 維鍾

樹德字高行號少穎武進人天性敏悟十二歲而孤母張氏因祇一子寵愛異常九歲入塾讀書端謹如成人諸童嘗以師出輟誦紛嗽樹德正色斥之曰師出當與師在如一師適歸聞其語大奇之嘗告其母曰是子可教家貧勿能具禮無傷也然卒因貧困年十三棄書習工舅氏某謂其母曰是子過

爲汝溺愛不任勞吾見其今日往明日歸耳樹德病之毅然往學工作之暇兼操雜役夕執爨晨飼豕雞鳴而興漏盡而息母憐之召之回樹德曰兒不忘舅氏之言寧死不歸五年學成以良工名然樹德有志讀書未嘗不自傷也洪楊亂起樹德年十九矣城破張氏陷於賊樹德冒鋒刃求得之奉以渡江鬻薪販甑以養母歸輒取篋中殘缺論語讀之服膺其言至忘寢食亂平返里破屋數椽不蔽風雨工作所入僅給衣食然奉母每日必致甘鮮下氣怡聲極盡孝道母年七十寢疾逾年樹德與其妻更番奉侍妻煮藥樹德必嘗而後進嚴寒大叟樹德則掖護其母令其妻以廁牖承之終宵惕息不敢懈自母病至歿未嘗一日安枕里中咸以孝子目之厥後有友貸以金遂設肆於市其交易不圖近利務壹於信口不二價積十餘年始買屋以居泫然曰母在時思得新屋以居以貧故未能今不及矣樹德雖幼年失學因反覆雜誦論語卒通其義遂旁及其他經傳先儒格言居恆手不釋卷老而彌篤右目成眚猶不輟常從事去人欲存天理之學晚年尤喜讀易默參陰陽消息爲人占吉凶輒奇中善飲酒而不及亂又能書畫以目疾故遂輟勿爲兼

擅崑曲凡絲竹管絃諸樂器罔勿精端居之暇以此自娛并以教其諸子曰使汝曹有此喜好庶幾不樂世俗之陋習也以民國四年十一月得卒中症而歿壽七十有四

維瀚字克莊一字可莊號青霞散人樹德長子年十三父以家貧令隨之習工維瀚甚敏不數年即學成然心實不願每晚私學繪事初爲山水繼爲人物花卉翎毛無不工藝事成就足以餬口即棄工勿爲弱冠時從黃山壽游藝益進山壽善人物維瀚學之不數月所作即與師相埒山壽爲人寫真純用舊法維瀚獨出新意參用攝影仿油畫之陰陽向背法以墨筆出之乃突過其師里中人因喪病大故需用遺像爭欲得維瀚之筆墨然維瀚性懶散又嗜酒求之往往不肯應即應亦遲遲不肯著筆人或督促之維瀚不能堪謂擷管以自陶寫僕僕爲人牽率非本懷也遂棄不復爲多以山水命筆以爲尺幅千里足以自娛然人以金求其畫亦不能以月日計惟飲之以酒醉後命筆頃刻可成數幅善崑曲即在酒肆輒引吭高歌能爲四體書兼精篆刻晚年益放於酒飲必醉醉則枕藉市樓或顛躓道路家人舁以歸維瀚不

之知也後得尿毒症旅於滬上兩足浮腫及腹聞父疾急馳歸父不起維瀚亦後其父二十日而卒享年五十

維鍾字岳莊樹德次子幼穎悟嬉戲時卽不苟取與樹德嘗曰吾有五子若皆使讀書吾力勿勝當擇其一以栽培之故維瀚旣輟讀習工維鍾年十三亦繼之維鍾鬱鬱不得志工事餘暇輒手一卷不輟嘗得咯血症弱冠後益劇父命在家養疴偶見其弟維喬案頭有疇人之書維鍾一覽輒能明瞭曰余學文不成將學數不數月盡通其義年餘學益精時邑中創設致用精舍維鍾應數學試獲選乃棄工肆入舍肄業極深研幾往往發前人所未發師友皆驚歎然以用力過勤肺疾日益深或勸以數學過費腦力應舍之悉心靜養則曰余失於文而得於數苟有成就雖死無憾竟以光緒二十五年正月病歿年僅三十有二遺著有曲線新說隄積術辨各一卷行世

△過 燦

過燦字謹言晚號慕劬武進人生有至性事父母以孝親歿哀毀骨立祭奠一如生時葬則躬親負土日必親往省視哀號伏地行路感泣築室數楹顏



曰慕劬懸親像朝夕瞻拜數十年如一日繪承歡色養思親罔極慕劬展墓各圖以誌孺慕平時樂善不倦人有急難罔不踴卹尤勤於惜字惜穀雖片紙粒米不避穢惡檢食無遺鄉人稱之爲過孝子又稱爲過善人卒於同治十二年年六十有一及其葬也會葬者數千人途爲之塞其季孫鏡涵集先世各圖及題詠請於政府褒揚如例

△張新

新字有銘武進蓉湖人少好學光緒丁丑補博士弟子員嗣習岐黃博通今古宿疾沉疴投劑立起於貧病多不取酬所居芙蓉圩向爲澤國遇潦成災自新董理圩務於賑災築隄多所盡力數十年來無水患圩民德之光緒三十三年募集重資修訂芙蓉圩堤錄前後編全書六卷均新一手編纂凡屬地方公益無役不與好義急公口碑載道民國十一年以疾卒年六十有八

△王熙彬

熙彬又名國均字頌平武進人天性篤厚聰敏好學事父盡孝父病革時曾割臂肉和藥進病歿終身孺慕未弱冠補博士弟子員有文名未久舉於鄉

同治戊辰科中式第十五名會魁以知縣卽用分發安徽權桐城縣知縣桐  
宣兩邑毗連多山客民寄居時當大亂後依山結寨時出剽掠爲害地方熙  
彬隻身赴匪巢剴切勸導時有降匪欲獻賊結歡熙彬峻卻之匪震懾慚懼  
隱匿不出地方獲安惟因辦事峭直未合長官意旨參改教職去官紳民羣  
詣撫轅乞留不許去思彌永比之召杜旋補淮安府儒學教授任職八載修  
學宮立義學能盡其職時中法衅開基隆海口有戰事熙彬上條陳萬言於  
兩江制府曾忠襄公所論時勢多中肯綮忠襄韙之嗣蒙漕督蘇撫合奏保  
荐卓異光緒十七年送部引見仍以知縣分發貴州兩次調闡充閱卷官一  
任權局均能拔選真才光緒二十五年卒於貴州寓次年六十有四遺著有  
橫谿草堂詩集四卷制藝十卷雜著文賦二卷公餘偶錄二卷

△段鴻謨

鴻謨字孟陶世居武進新塘鄉牌樓村少卽好學從事對偶聲律之文光緒  
季年膺台灣台北府署文案台灣巡撫兼學政鴻謨又爲院試閱卷官甄拔  
真才力杜倖進及台灣割棄廢然返里在本鄉辦兩等小學又於家廟設立

啓秀小學絀於費以其所學盡義務教授成績斐然又於暑假設體育會於本宅並以提倡實業首重理化年逾五旬猶入上海理化專修學校肄業列最優等畢業嗣創辦高等實業學校於常州中學校內因款絀停止卽提縣費若干俛助高材生留東補習以竟學業一時人才輩出鴻謨之力爲多先後被選舉本縣議員副議長議長民十二年江浙戰起大軍雲集協同地方公團保衛桑梓得獲安全在職數年不避艱難輿論譴之晚年優遊林下享壽八十卒於家鴻謨早年邃文學中年以後進國民黨爲黨員開風氣之先盡力贊助新政又曾創辦園藝造林凡所措施擴而充之皆救國之急務也明達之士皆稱鴻謨有毅力能任重焉

△陶

琪弟 璿

琪字喬如武進人生而羸弱父母不令就外傅然性喜讀書夢中呻吟皆畫所誦者稍長從族兄郢聲學制舉文間授以左傳綱鑑卽取它本評語箋著簡端字密若蠅頭丹鉛殆徧其後校書之業實基於此旣入縣學凡五應鄉試累荐不售納粟入官選授河南沈邱縣知縣縣本繁劇盜風張甚琪懸重

金購其魁置之法餘衆盡散豪民王一清者工刀筆橫行鄉里間嘗睚眦殺人官府莫敢誰何琪到卽捕獲之數其罪投獄中錮之終身於是邑人無不相告稱慶又富室趙氏兄弟爭產吏因緣爲利訟十餘年不決琪坐堂皇陳論語孝經諸書命之講解積數日各涕泣悔悟頓首求解時鹿邑亦患盜省吏檄琪往治琪簡練丁壯增緝捕馬步隊額至四百名餉械不足卽捐俸爲之倡盜悉平境內大治考上上會天主教西人某魚肉同教同教者憤甚挾至郊外叢毆之琪訊集兩造盡得其情讞將定矣而主教安西曼從省中來誣良民仇教欲興大獄琪據狀力與之爭省吏終不敢袒琪遂去職旋復被命知濬縣濬司捕隸郭長泰擁徒千餘人素驕縱不奉法琪首誅殺之匪黨王媪凶悍無人理襲五經博士端木廣仁自以先賢裔孫欲廣其祠廟數侵民地琪一裁以法王媪死廣仁亦斂迹濬人謂之除三害父老至今猶能道之未幾改授永城知縣調署祥符河內所至有聲辛亥秋革命軍起河內當秦晉孔道姦宄四伏琪躬督警兵晝夜巡徼民安其居若不知有外變者旣易幟琪解組歸民國四年復起爲河南政務廳長九年長山東全省菸酒公

費局非所樂也尋乞休寄居天津性雅耽典籍積書數萬卷好阮元黃丕烈所爲得一善本必鉤稽參校至忘寢食嘗校世說新語過半復得宋刻本卽又首尾覆勘未竟而卒成者有三國誌評校尤精力所萃也別以泰西法景刻輟耕錄太平樂府書史會要若干種其弟湘與邑人董康亦好刻書並稱精善珙歷任大邑沒無餘財終其身未嘗有聲色車馬衣服宮室之奉卒於民國三十一年二月春秋六十有五

湘字蘭泉又字涉園宗籍大興補順天學附生同胞兄弟六人與其弟名瑤字寶如者學生也生而穎敏讀書不屑屑爲章句以三試秋闈不售投効山東河工有功敍官至直隸道員歷充海軍內學堂辦事官頤和園輪船委員庚子拳匪亂起奏調辦理閩浙勤王衛軍轉運事宜京漢鐵路監督隨辦西陵大差恭送玉牒大差奏派查辦江西安徽鐵路事宜駐滬籌辦火車運輸商貨事宜改革後無意仕進旋爲上海三新天津裕源山東魯豐等紗廠經理天津中國銀行北京交通銀行等行經理皆非所願也爲人從容大雅儻不羣尤篤於孝友朋舊有緩急解囊仗助無吝色於親族之困乏者則不

待其告語而周恤之雅愛典籍精版本目錄考訂之學著有涉園考正書目三卷宋元書影二卷行世藏書數十萬卷與德化李盛鐸江安傅增湘齊名刻印古本各書百餘種與同邑董康並稱精善民國二十九年卒於滬寓享壽七十

瑤字寶如又字劍泉號心莊別號見南山人幼羸弱父母愛憐之故就學獨晚然秉姿穎異讀書過目成誦尤嗜書畫從族兄郢聲學勿屑屑於章句而喜芥子園畫傳繼學於季檜舫季善翎卉人物工書法尤擅鐵筆瑤皆盡其學季慨然曰此子出藍矣異日必自成一派於是益盡心指授年未冠已卓然著稱光緒庚寅補博士弟子員辛卯試京兆不第歸自是侍奉父母不離左右父卒於淳安官署瑤哀毀骨立越二年母卒益悲痛病莫能興其冬又悼亡迭罹憂患百念俱灰嘗曰清湘老人可法也脩然有出塵想會盛宣懷有別墅曰愚齋度藏甚富延瑤記室使鑒別之由是造詣益精先是瑤以國史館謄錄議敘得知縣戊申選授河南臨潁大吏以瑤文士欲試之值達賴喇嘛過豫入晉使護送兼司供億旬日間措置悉協乃飭赴官時民教相仇

久教民恃勢恣意爲非有司莫敢詰瑤泣官禮遇西士誠拊教徒謂苟非干法壞紀者必保護之教民崔某恃教攬詞訟占民產屢被控至是復遣人關說且挾釋案犯置不理俄在崔自至語涉迫脅瑤痛斥之按律判罪卽日定讞輿情稱快主教赴省請釋已不及又爲保教計飭教產限期冊報報至乃知占民產者至五百餘處飾云民獻教士懼願補輸契稅瑤曰凡稅有率以價爲衡今日獻既無置價憑何納稅教士語塞但求公斷乃申上官請永禁獻契上官不察謂計值納稅可矣瑤抗牘曰藩庫所發契曰賣曰當部章有定式今所謂獻契者豈部頒耶上官不能答會吳仲懌撫豫召瑤面計之瑤曰獻契准稅徇教以害民也民教之仇亦深無已則非價買者作租契租否一聽於民庶乎其可吳悟卽如議通行全省終瑤任教案竟絕光緒季年禁烟令下責牧令分年禁種期必淨絕然豫民貪利仍多私種瑤曰是不教而誅也遂詣四鄉傳集鄉董村正曉以利害與約曰本年已種者免挖期來年必絕爲補救計亟改種芝蔴利可相抵再犯者不貸鄉民從之是年芝蔴豐收利三倍輿頌大作將舉卓異計俸未滿格於例乃行文紀錄以臨穎吏治



爲豫省第一未幾共和宣布塔即棄官歸宦橐蕭然自是恣游山水嘗游七里龍款乃聲中繼以簫笛有濯足滄浪之概甲寅乙卯間稅居京師徧觀石渠珍祕歎曰吾舊作可盡焚矣行將擱筆乃縱游名區勝境卽景寫圖庚申游三貝子花園寫定性白猿帶以西山峯嶸鬱密雄遠羣稱傑作次年辛酉遊武康莫千山幽篁中一素色雄冠赤首而黃足設色寫之天然成趣餘率類是乙丑頭風舊恙大作醫謂心血積虧及秋益劇卒於京邸年五十有六

△莊鼎彝子 俞

鼎彝字茗甫武進人幼而穎悟四歲能識字長而好學不倦家貧宴如也年十八補博士弟子員三十六舉於鄉兩上公車不第逢大挑以教職歸部銓選遂絕意仕進幕遊四方最後任漢口招商局文案凡十有五年會庚子拳禍作國幾亡有識之士皆以變法興學爲先務之急鼎彝念里中學校寥寥遂謀於鄉人就舊有之冠英義塾改設冠英兩等小學堂未半載來學者踵相接學舍不能容乃遷於莊氏三賢祠越一年學者愈衆復就祠後餘址建築北舍西舍由是冠英規模完備聲譽昭著爲里中各校模範鼎彝又就其

家創立幼幼女學經常之費取給於私財俾女子亦有就學之所以歷年積勞於宣統元年八月罹疫而卒年五十有五

俞字百俞又號我一鼎彝長子生有至性沈默寡言好學不倦知制舉文無裨實用獨留心史地之學年二十四補陽湖縣學生時學制更新邑中設武陽公學聘俞爲教習旋進上海商務印書館編譯所編纂國文歷史等教科書後其父鼎彝在里創辦冠英小學卽辭職還鄉襄理校務辛勤懇至事無巨細莫不躬親未及一年校譽大起學者踵至至不能容復就己宅設立幼幼女學俾女子亦有求學之所嗣因商務書館敦促回館乃返滬自是不復離館以終其身由編譯員而歷任國文部長交通及機要科長總務科長分莊科長兼總管理處祕書在館服務三十餘年中間因教育事業出外參觀考察及參加集會者無慮十餘次所至必被邀請講演不尙空談所言多切實易行尤注意提倡勤勞教育至有益公衆之舉無不盡力贊助晚年患血壓高心臟腸胃及腰相繼病作以民國二十九年六月卒於滬春秋六十有二著有我一遊記應用聯語粹編已刊行

### △王頌霖

頌霖字杏溪武進人少負文名補博士弟子員後應鄉闈不第卽無意進取以裁成後進爲己任光緒丙午任冠英學校教席循循善誘學生愛之如父兄己酉莊校長鼎彝卒頌霖遂繼其任校譽益起學生自三百餘人增至六百餘人學級愈多費舍愈擴而校中經費則累年遞減頌霖拮据艱難支撐其間支出不敷於自己之束脩獨不取盈人皆以爲難而頌霖怡然安之嘗自憾學識不充處事或未盡當恆至蘇滬錫參觀各校有所取法歸而見諸施行又嘗聯合同志組織教育研究會以謀教育之改良其舍己從人日進不已多類此會有戚某被人誣爲盜羈於檢察廳憤而得疾將死頌霖聞而悲之奔走累日爲之營救猝然得腦充血症厥於途途僻鮮行人久之始有過者曰王先生也急命人舁之歸已不省人事口眼皆閉時民國二年十二月也享年四十有六

### △唐允中

允中字欽昭武進人自幼誠篤敦於孝友壯歲客遊南涉江湖北窮徼塞歷

辦黑龍江漠河等處金礦又調赴新疆總辦于闐金礦除英吉沙爾廳同知署和闐直隸州與民講求水利鑿渠墾荒期年之間闢地二萬三千餘畝治行報最清社移告歸又二十年卒年八十六允中襟懷夷曠廉潔自守家居杜門足迹不至公府敬宗睦族兩修支譜燦然大備暇即手一編尤好吟詠中年之作沈鬱慷慨晚乃敘述溫雅直抒胸臆有養和軒稿子弟敦謹守其家法街衢之間褒衣矩步望而知爲唐氏子姓云

△唐曾頤

曾頤字聽泉武進人以諸生佐福建學使幕遂官於閩歷署詔安等鹽場大使工奏記及詩古文辭書法二王雄毅瀟灑獨往獨來有荆川家法詩詞超逸卓犖不羣身後蕭條詩文俱散失

△馮嘉錫

嘉錫字曉卿武進人諸生客授爲湖北知縣所至有政績可紀爲人清介謹飭善理財洊升道員調廣東爲大吏所倚任國變歸里以赤手勸貧兒院孤童數百人教養兼施成就甚衆地方公益多就君取決事有利於人者無不

爲也年八十五卒卒之時院中基金累數十萬皆平日遠近奔走所募云

△巢鳳岡子鵬雲

鳳岡字季仙武進人幼孤沈靜多思嚴毅如宿德及長講求經濟遊燕趙爲諸侯客瀏陽李勤恪公勉林方掌北洋財政一見器之事必諮度而行又受十一省督撫之聘爲駐津外交情報庚子拳匪禍起朝旨依違卽力闢其謬分電各督撫惟張文襄劉忠誠二公聽其議始有東南協保之局匪勢蔓延流亡載道因於德州稅屋以備棲止資衣食給旅費俾各歸其鄉亂稍定刺得各國協謀懲辦倡禍首從列名至三百數十人乃皇遽奔走多方解脫賴以保全者不可勝計於是名動公卿義聲聞天下知與不知咸目爲執德不苟之君子歷官法庫撫民同知奉天國稅廳長奉吉黑三省官銀號督辦本溪湖煤礦總辦鴨綠江採木公司理事長財政部鍊綱廠長所至勤幹廉潔事無不舉中外警服晚年學佛持修不懈卒年七十有八

鵬雲字九餘體羸而邃於學事二親至孝謹對公益至熱心於名利至澹泊於軒尙至雅逸敦氣節重然諾參究淨業修持不懈嘗發心印金剛經分段

貫釋未及竟而歿年四十有六

△翁振銘

振銘字佩孚武進人幼好學弱冠遊庠光緒中葉屢試鄉闈不舉更潛心於有用之學常篝燈達旦數年如一日盡通經史諸子百家研討程朱陸王要旨直抉心性之微師事劉葆真葆良昆仲而與高純士李靜之莊思緘等相友善博稽互證砥礪攻錯無虛夕會科舉廢學校興卽斥資辦城西明志小學邑中子弟相率來學至不能容歷三十年不輟又令其子爲集先後赴比國留學其時風氣未開爲集兩人年均幼振銘不稍顧惜蓋深知國勢積弱非培植青年灌輸科學專門知識不能補救也振銘於近代人物中最服膺曾文正以其學業事功治於一爐故立身行事處處以實踐爲主儉以律己寬以待人一羊裘御數十年淡泊明心不求功利晚年杜門不出以載籍書畫自娛後進問難質疑言無不盡精於文詞惟自視畧然所著讀書劄記等隨手段棄偶有存者皆殘章零簡也民國十七年卒年五十有九

△莊蘊寬